

別裁明詩集



卷三四

柳田文庫

文庫11

D 177

2







明詩別裁集卷三目錄

高棟 四首

王恭 二首

卞同 一首

鄭真 一首

鄭淵 一首

練子寧 一首

方孝孺 五首

明詩別裁集

卷三目錄



010190557893



四言詩卷一

程本立 二首

袁敬所 一首

趙 壯 一首

解 縉 一首

楊士奇 二首

谷 宏 一首

趙 文 一首

趙友同 一首

曾 際 二首

李昌祺 二首

尹鳳岐 一首

全 璠 一首

黃 綬 一首

沈 貞 七首

薛 瑄 一首

于 謙 二首

明詩別裁集 卷三 目錄二



明詩別裁集 卷三目錄 二

劉球 一首

施敬 二首

黃裝 一首

劉績 四首

錢暄 二首

蕭鑑 一首

王清 一首

郭登 四首

張和 一首

陳憲章 一首

范澄 一首

沈愚 一首

陸德蘊 一首

陳寬 一首

王越 一首

蘇平 一首

明詩別裁集 卷三目錄 三







九月八日郭南山亭宴集分得下

字

海國霜氣涼。秋聲落遙野。乾坤肅以清。收  
納屬多暇。出郭尋幽期。同人命軒駕。載酒  
入翠微。憑高憇層榭。蒼山橫黃雲。大江天  
同瀉。飛雨震際晴。夕陽雁邊下。江山滿陳  
迹。今古成代謝。高興殊未平。臨風獨悲吟。

飛雨十字寫  
曉景八句

賦得羅浮霜月懷二逸人

海國梅始白。飛霜動鳴鐘。寒空一片月。挂  
在羅浮峰。夜色不映水。清光與之同。百里  
皆瑤華。千林闕幽風。蕭條巖際葉。嘹唳雲  
邊鴻。遠客起遙念。滄波思千重。夢迴明鏡  
沒。寂歷聞幽蛩。

水竹居

清溪入雲木。隱處林塘深。微月到流水。



可言易者集 卷三 二  
冷竹間琴。虛聲走遙聽。天影波遠心。余亦  
驚鶴侶。將期此投簪。

題臺江別意。饒顧存信歸番禺。

置酒臺江上。張然傷解攜。番禺天萬里。矯  
首南雲低。停舟對君日。將暮目送南雲指。  
歸路鄉夢多。隨屋母樓家。林近日扶桑。樹  
滄浪浩蕩杳難期。此別重逢又幾時。東去  
臺江應到海。唯因流水寄相思。

王恭 恭字安中。閩縣人。永樂初以  
儒士薦起。授翰林典籍。尋授  
歸牒

聞笛歌送人之塞上

橫笛對離亭。扁舟越江口。月下何人最斷  
腸。天涯怨別驚。楊柳此夜愁心獨對君。明  
朝帳別又離群。單于城上吹羌管。知爾相  
思不忍聞。

春鴈



春風一夜到衡陽。楚水燕山萬里長。莫怪  
春來便歸去。江南雖好是他鄉。

卜同字孟符吳人

倪雲林畫

雲開見山高。木落知風勁。亭下不逢人。斜  
陽澹秋影。

鄭真真字千之。鄞縣人。洪武壬子。鄉試第一。官廣信教授。

寄烏繼善先生

紅心驛外望家山。颯颯西風兩鬢斑。繫雁  
書成霜滿地。飯牛歌罷月臨關。誤傳海外  
蘇公死。終許羌村杜老還。客舍不知身健  
否。何時訪我白雲間。

鄭淵淵字仲養。浦江人。

海棠仕女圖

東風蕩漾百花濺。翠袖迎風酒半酣。好鳥  
隔窗催曉色。美人殘夢到江南。



日言身者卷三 三 四

練子寧 子寧字名安新淦人洪武乙丑榜眼累官工部侍郎建文時遷御史大夫靖難兵入不屈死

二月望日與鏡隱君遊玉笥山

我懷謝康樂獨往遊名山身同雪舟繫心與浮雲閒清風滄蕩洒六合令我興在雲松間玉山高與南山齊雲錦照耀廬山低三十六峰凌虹霓飛滿噴雪臨迴溪長松挂月青猿啼上有梅仙采藥之幽栖下有

蕭雲讀書之故基洞天石扇杳莫測墜草漫長三春黃我欲因之覽八荒手拂青藜眠石牀回飈吹散碧天霧清冥倒瀉澄湖光作為玉山謠寄之巖峰客興來攜妓秋復春笑殺東山謝安石

方孝孺 孝孺字希直臨海人建文中文學博士靖難兵至令草詔不屈

開居感懷

月詩別集 卷三 五



我非今世人。空懷今世憂。所憂諒無地。慨  
想禹九州。商君以爲秦。周公以爲周。哀哉  
萬年後。誰爲斯民謀。  
鳳隨天風下。暮息梧桐枝。群鷓得腐鼠。笑  
汝長苦飢。舉頭望八荒。默與千秋期。一飽  
亮易得。所存終不移。  
池魚不知海。越鳥不知燕。蚯蚓霸一穴。神  
龍行九天。小大萬相殊。豈惟物性然。君子

勿嘆息。彼誠可哀憐。

上巳約友登南樓

生意忽滿眼。不知春淺深。良朋曠嘉會。濁  
酒難孤斟。迢迢城上樓。高朗宜遠臨。曷不  
一舉趾。縱望淵與岑。逍遙群動表。舒豁萬  
古心。古人已寂寞。繼者應在今。蘊真有至  
樂。外慕非所欽。願言領衆妙。無爲鬱冲襟。

懿文皇太子挽詞



盛德聞中夏。黎民望彼蒼。少留臨宇宙。未  
必愧成康。宗社千年恨。山陵後世光。神遊  
思下土。經國意難忘。

程本立 本立字原道。崇德人。洪武中  
以明經薦。建文初徵入翰林。

陞會都御史。靖難兵  
至。自經於應天府學。

題李典儀雲東卷

母老今稱健。允行久不歸。一官淹白首。萬  
里夢紅衣。越郡東溟濶。秦關西日微。只將

雙淚眼。日日看雲飛。

晚至安寧

連然驛路馬曾諳。落日行人思不堪。地極  
九州銅柱北。山蟠六詔鐵橋南。湯池水底  
皆陰火。藍井烟中半夕嵐。迴首蓬萊天萬  
里。忽教塵鬢白纒纒。

袁敬所 敬所不知其名。清難後流寓

詩。詩筆悲吟。建文以難。渡有江右布衣  
見之曰。此吾翁某編修。何為在此。



所趨掩其口  
不顧而去

題淵明五柳圖

藜杖芒屨白布裘  
山中甲子自春秋  
呼兒點檢門前柳  
莫遣飛花過石頭

趙

邦字雲漢  
齊人長兵部主事  
後歷官禮

兵刑三部尚書

成南書事

三年為客寄龍沙  
望斷南天不見家  
惟有

受降城上月照人  
清淚落胡笳  
陳卧子云

風。畧同宋  
文格句法

解

縉字大紳  
吉水人  
洪武戊辰

為廣西參政  
交趾入奏  
事會太宗

北征見東宮  
辭去為高  
煦所請  
徵下

獄死。永樂  
以還高臺  
閣體諸  
大老

詩。漸之矣  
人廢然  
紅之相  
習成風  
而真

李賓之以  
前所長  
獨畧

送劉繡衣按交趾

亂鬣白首繡衣郎  
聽馬南巡古越裳  
城郭



新開秦郡縣。山河原是漢。金湯天連。銅柱蠻烟黑。地接珠崖海。氣黃莫說。炎荒冰雪。少。須令六月見飛霜。

楊士奇 士奇名寓以字行泰和人建文時以辟召入翰林永樂初

改編修入直文淵閣累官少師贈太師謚文貞

漢江夜泛

泛舟入玄夜。奄忽越江干。員景頽西林。列宿燦以繁。凝霜飛水裔。回飈蕩微瀾。孤鴻

從北來。哀鳴出雲間。時遷物屢變。遊子殊未還。短褐不掩脛。歲暮多苦寒。悠悠念行邁。慙慙懷所懼。豈不固時命。苦辛誠獨難。歲彼式微詩。喟然興長嘆。

同 蔡尚遠 尤文度 朱仲禮 楊仲舉

蔡田巖遊東山

步出城東門。迢迢望雲巖。累月懷佳遊。晨遂登巖麓。梵宇繞層阿。飛樓凌絕峴。方陪



涵湛碧喬林茂敷衍繁豎幽莫通手茸紛  
不剪攀磴窮高躋綠徑屢回轉是時微雨  
收輕霞澹舒卷睇遙素橫川俯夷綠盈吹  
陟降體自便顧勝心已緬况接曠士言復  
借釋子辨析空理弗味遠喧抱逾轉何因  
此閑棲永令浮慮遣脛胎晉宋  
端厚不此

谷 宏 宏福州人洪武  
中官中書舍人

行經華陰

崔嵬太華出雲中積翠遙連渭水東秋色  
萬家連遠塞暮烟一帶遠離宮秦關月落  
行人少漢時天陰古殿空寂寞武皇巡幸  
處祠却木葉起秋風宋轅文云調既  
不卑景色亦合  
趙 文 文字宗文長洲人永樂  
中以薦舉官鄱陽知縣  
馮金山寺  
水天樓閣影重重化國何年此寄蹤淮海  
西來三百里大江中湧一孤峰濤聲夜恐



巢枝鳥雲氣朝隨出洞龍。幾欲登臨帆去疾。蒼茫遙聽隔烟鐘。

趙友同 友同字彦如金華人徒長州官太醫院御醫

宋徵宗畫半開梅

上皇朝罷酒初醒。寫出梅花蕊半含。惆悵汴宮春去後。一枝流落到江南。

曾 蔡 蔡字子啓永豐人永樂甲申賜進士第一歷官詹事府少詹事

詹事府詹事府少詹事言如蔡雲京口詞賦月廣陵鐘有中

萬月

車駕渡江

朱旗畫戟擁晴沙。錦纜牙樁向水涯。佳氣迥浮江北樹。日光初照海東霞。雲中鸞鳳扶丹轂。水底魚龍識翠華。不用臨流羨天塹。只今四海盡為家。

送陳郎中重使西域

雕輪歷碌擁鳴騶。幾欲停鞭記舊游。赤嶺

明詩

卷三

七



晚雲連雪積。黃河春水帶。冰流旌麾每過。羅諸部。金帛頻頒拜。衆首却笑虎頭班。定遠身親百戰。覓封侯。

維揚懷古

廣陵城裡昔繁華。煬帝行宮接紫霞。玉卮歌殘猶有曲。錦帆歸去已無家。樓臺處處迷芳草。風雨年年怨落花。最是多情汴堤柳。春來依舊帶栖鴉。

李昌祺

名禎以字行。廣陵人。永樂申進士官至廣西布政使。

過吳門

七澤三江通甫里。楊柳芙蓉照湖水。閭門過去是盤門。半掩珠簾畫樓裡。蘼蕪生遍鷺鷥沙。東風落盡棠梨花。館娃香徑走麋鹿。清夜鬼燈明絳紗。三高祠下東流續。真娘墓上風吹竹。西施去後艸廊傾。歲歲春深燒痕綠。



送周秀才遊長沙

迢遞長沙道。道遙歲宴遊。亂山黃葉寺。孤棹白蘋洲。夕鳥衝船過。寒波背郭流。毋論卑濕地。賈傅昔淹留。

尹鳳岐

鳳岐字邦祥吉水人永樂丙戌進士官翰林侍讀

送兄廣東參政應奎

价人藩閩寄旬宣。五嶺南行遠著鞭。曉日紅亭留別酒。秋風黃葉下龍船。青蓮振擢

千家雨。黃觸梳柳萬井烟。珍重平生清節在。不妨飲滿酌貪泉。

金誠

誠字成之番禺人永樂戊戌進士官刑部主事

江行

江水悠悠江路長。孤鴻啼月有微霜。十年踪跡渾無定。莫更逢人問故鄉。

黃閏

閏字期餘信豐人永樂戊戌進士

擬唐人長安春望



南山晴望鬱嵯峨。上苑春遊玉輦過。天抱  
帝城雙闕迴。日臨仙仗五雲多。鶯聲盡入  
新豐樹。柳色遙分太液波。漢主離宮三十  
六。樓臺處處起笙歌。

沈貞

貞字元吉。長興人。卜居橫五山下。

樂神曲七首

有序

樂神曲者。擬楚詞九歌而作也。吳人  
尚鬼祀。必以巫覡逆送舞歌登獻。其

辭褻嫚。禳災徵福。不知其分。滋黷甚  
矣。故為此辭。以明鬼神之理。禱祀之  
意。祛其荒淫之志焉。

保我之民兮。邑此方。崇其壝兮。浚其隍。民  
不驚兮。志定。春靈修兮。作民命。隄揚兮。結  
陰青青兮。蔽林。女牆堅兮。有郭。郭繞泗  
灣兮。濠歸於壑。靈之來兮。立都。屬旂旌兮。  
若茶陳一不兮。兩翰載斟之兮。百壺城兮。



隍兮吾永無虞

右城隍

嗟靈伯兮御清冷。洗祥鼓兮滌炎蒸。臨蕩  
兮春初。颼颼兮夏徂。颼颼兮木葉枯。號  
空桑兮吹雪載塗。靈之來兮憑女巫。女巫  
兮屢舞。簞簞兮伐鼓。靈醉飽兮無怒。蕭蕭  
來兮颼颼去。

右風伯

佩芳蘭兮華芬椒。潔新服兮綴珠珎。駕靈  
螭兮翔重霄。要靈輅兮下迢迢。我禾兮成  
役。我田兮龜坼。烈日兮驕陽。利行水兮熱  
湯。靈之來兮天外。下土乾兮雷一溉。維靈  
布澤兮惠我無私。嗟我民兮其敢繹思。靈  
皇皇兮萃只。舞僛僛兮醉只。福穰穰兮歲  
復歲只。

右雨師



月維仲兮日維剛。肅齋宮兮神所藏。靈輝  
輝兮垂佩。儼飛馭兮高蓋。降靈雨兮來斯。  
左有翁兮右有妃。愷嘉期兮難又。荒永嘆  
兮陳辭。靈修修兮不語。逝翩翩兮歸去。

右社公

波震蕩兮具區既底定兮奠神之居。芙蓉  
蓋兮後車。導翠蓋兮文魚。神之來兮孰俱。  
後子皮兮前靈胥。與神遊兮湖之滸。衝風

息兮極浦。有倡兮妙舞。有冽兮清醑。神保  
聿歸兮或返。而顧灌我田兮受神之祐。

右太湖神

惟何爲兮屬於鄉。祀有時兮享有嘗。赭白  
馬兮青蓋。明而沒兮晦而在。屏方相兮去  
讎。神巫進兮舞且歌。雄欣欣兮遠逝。不水  
旱兮不疵。屬樂吾民兮世世。

右鄉厲



兩旗兮分張。舞輕風兮悠揚。神之司兮我疆。原田每每兮立我青秧。不稂不莠兮無好無妨。時雨兮時暘。俾百穀兮登場。維神兮降康。報之兮肴蒸脯羊。七章未能獨造然終是雅音

右青苗神

薛瑄 瑄字德溫河津人永樂辛丑進士歷官禮部左侍郎兼文淵閣大學士諡文清從祀孔廟

梅花落

檐外雙梅樹。庭前昨夜風。不知何處笛。并起一聲中。

于謙 謙字廷益錢塘人永樂辛丑進士官至大理寺少卿景隆

即位拜兵部尚書加以保英宗復辟棄市成化中贈太傅諡肅愍後改忠肅

暑月將自太行巡汴

三晉衝寒到中州。冒暑回山川。原不改節。候自相催。綠樹連天暗。丹葵向日開。太行



雲縹緲搔首意徘徊

上太行

西風落日草斑斑  
雲薄秋容鳥獨還  
兩鬢霜華千里客  
馬蹄又上太行山

劉球 球字求樂更字廷振安福人永樂辛丑進士官翰林侍講

以忤王振為旨下獄死景泰初贈翰林學士謚忠愍

山居

水抱孤村遠山通一徑斜  
不知深樹裡還

住幾人家

施敬 敬字孟莊錢塘人萬曆居真

巴陽夜泊

獨棹三巴夜秋高片月孤  
灘聲將客夢萬里下東吳

兩行途中寄錢唐親友

萬里移家入瘴烟  
故鄉音耗若為傳  
衡陽自古無來雁  
况去衡陽又八千



明言詩集 卷三  
黃 裴 裴字仲業 文江人

客夜

西風蕭蕭木葉稀。秋深作客何時歸。城頭  
月出照擊柝。江上露白催搗衣。雁鴻附書  
遠莫致。烏鵲遠樹還驚飛。三更不眠欲起  
舞。躍馬卧龍誰是非。

劉 績 績字孟山 陰人 隱居 不仕人 西江先生

題西陵送別圖送姚進士

悠悠復悠悠。風吹江一舟。今朝天色好。送  
客西陵頭。西陵在何許。羃歷春郊樹。搔首  
望行人。迢迢上京路。京路一千程。官梅照  
眼明。春風濃似酒。難浣別離情。別離餘幾  
日。竹得君消息。折取杏園花。慰我長相憶。  
相憶夢相仍。高樓只自登。春潮知我意。日  
夜向西陵。

早春寄白虛室

明詩別集 卷三 七



帝城佳氣接烟霞。草色芊芊紫陌斜。殘雪未消雙鳳闕。春風先入五侯家。歌鐘暗度新豐樹。游騎晴騎上花花。獨有子雲才思逸。應傳麗句滿京華。

征夫詞

征夫語。征婦死生不可知。欲慰泉下魂。但視襟中兒。

征婦詞

征婦語。征夫有身當殉國。君為塞下土。妾作山頭石。

錢

晁

晁字允輝。常熟人。浙江都司經歷。

過江

江渚風高酒乍醒。川途渺渺正揚舠。浪花作雨汀烟濕。沙鳥迎人水氣腥。三國舊愁春草碧。六朝遺恨晚山青。不須倚棹吹長笛。恐有蛟龍欲出聽。



明詩別裁集 卷三 下

贈周岐鳳 李賓之云江陰周岐鳳生事亡命扁舟夜泊

投以詩岐鳳得之大

琴劍飄零西復東舊游清興幾時同一身

作客如張儉四海何人是孔融野寺鶯花

春對酒河橋風雨夜吹簾機心已共沙鷗

靜惟有家山在夢中

蕭 滋 滋字孟勤泰和人宣德丁未進士累官太子少師戶部尚

書

送李佑之赴陝西參議

斗載含香侍上台旬宣分陝用奇才黃河

九曲天邊落華岳三峰馬上来長樂月明

鐘響靜樊川春漲水波洄當年召伯留遺

澤會看甘棠到處開

王 清 清字一寧合肥人世襲濟寧衛指揮死寇

塞上感懷

明詩別裁集 卷三 下



西風關外雪初晴。懷古思鄉百感生。玉帳  
枕戈人萬里。鐵衣傳箭夜三更。夢回絕域  
鳥桓地。戩罷空山。敕勒營。烽火微茫天去  
遠。月中鴻雁送秋聲。

郭登 登字元登。武定侯。諸孫景春。初官都督。僉事守大同。以功封定襄伯。英廟復辟。請成甘肅。成化初。復爵。贈侯。謚忠武。定襄山王樹。志肆或非。正聲。茲擇其尤雅者。  
題蔣廷暉小景

我家南山下。柴門別經火。不知今春來。新  
添幾株柳。清江閑釣竹。鷗鷺還來否。對此  
忽相思。長歌獨搔首。

送岳季方還京

登高樓望明月。明月秋來幾圓缺。多情只  
照綺羅筵。莫照天涯遠。行客天涯行客難。  
鄉人見月思鄉搔白首。年年長自送行人。  
折盡邊城路傍柳。東望晴川一雁飛。可憐



同住不同歸。身留塞北空。彈鋏夢繞江南。  
未拂衣。君歸復喜登臺閣。風裁稜稜尚如  
昨。但令四海歌昇平。我在甘州貧亦樂。甘  
州城西黑水流。甘州城北黃雲愁。王闕人  
老貂裘散。苦憶平生馬少游。皇明詩選其  
末四語作  
白明詩綜因之然通體纏綿  
有情不迂不促故仍用原本  
甘州即事

黑河如帶向西來。河上邊城自漢開。山近

四時常見雪。地寒終歲不聞雷。牦牛互市  
番氓出。宛馬臨關漢使回。東望玉京將萬  
里。雲霄何處是蓬萊。

保定塗中偶成

白壁何從摘舊瑕。纔開羅網向天涯。寒窗  
兒女燈前淚。客路風霜夢裡家。豈有醜人  
羊叔子。可憐憂國賈長沙。獨醒空和騷人  
詠。滿耳斜陽噪晚鴉。



張和 和字節之崑山人正統己未進士官至浙江提學副使

與朱千戶夜話

客裡相逢感慨深。劍歌時復動悲吟。清尊坐對三更月。紫塞遙馳萬里心。瀚海地荒龍馭遠。交河風急雁書沉。微生愧乏安邊策。北望長天淚滿襟。

陳憲章

憲章字公甫新會人正統丁卯舉人用薦授翰林檢討

文恭從祀孔廟

冬夜

長夜氣已淒。木棉被重裘。端坐思古人。寒燈耿悠悠。是時病已間。背汗仍未收。學業坐妨奪。田蕪廢耨耨。高堂有老親。遍身無完綢。大夫庇四海。而以俯仰憂。口腹非所營。菽水吾當求。明旦理黃犢。進我南岡舟。

范澄

澄字國清寶應人景泰庚午舉人

送別



酒盡津鼓喧。風生浦帆亂。山迴不見君。夕陽在沙岸。

沈愚 愚字通理 竟山人

陳宮懷古

景陽宮井積浮埃。三閣遺基半綠苔。悵悵後庭花落盡。黑頭江令獨歸來。

陸德蘊 德蘊字潤 玉華亭人

重過沙河道中

白鶴沙頭水自波。扁舟曾載夕陽過。東風一路蘼蕪綠。添得春愁別後多。

陳寬 寬字孟賢 吳人 檢討繼之子

題燕穆之楚江秋曉圖

五更人語覺潮生。估客帆檣候曉行。樹色未分雲夢澤。雞聲已動漢陽城。天空畫角吹霜盡。月落銀河入斗橫。欲問楚南千古事。至今江水為誰清。



王越字世昌濬縣人景泰辛未

進士天順中官右副都御史  
巡撫大同進兵部尚書論出塞功封  
威寧伯尋加少保贈太傅謚襄敏  
威寧詩性情流露不涸雕飾如髮為  
胡笳吹作雪心因烽火煉成丹極悲  
歌感慨之致自然云雅音則未也至劉  
原博云孤臣自恨無容地逆虜猶存  
不共天但取其忠義可矣

與李布政彥碩馮僉憲景陽對飲  
相逢無奈還傷別尊酒休辭飲幾巡自笑  
年來嘗送客不知身是未歸人馬嘶落日

青山暮雁度西風白草新離恨十分留一  
半三分黃葉二分塵裁上半首為

蘇平字素海寧人舉賢良方  
正不就衡詠繡鞵詩南  
時陌路青春有跡而應立月夜無聲一  
湘南懷古然此種有累詩品不小

江山搖落獨登臨草色湖南入望深萬古  
空留湘女恨九歌誰識屈原心霜清楚曉  
蘭香歇雲暗巴陵雁影沉正是客懷消不



得竹枝聲裡斷猿吟

王佐  
佐字廷用天順己卯舉人福州衛籍官訓導

宮怨

芙蓉帳冷減容光。愁倚熏籠嬾著牀。寒氣

逼人眠不得。鐘聲催月下斜廊。似以言外意而寓情

通真列朝詩選采夢蕉詩語謂宮女媚蘭仙子詩恐近於傳會也詩見王廷用集中

秦夔  
夔字廷用天順庚辰進士歷官江西布政

同金廣信宗器遊番湖

番湖水落秋容冷。碧色澄鮮三萬頃。樓船

嗷嘈何處來。十幅蒲帆弄秋影。霜晴九月

葭葦枯。芙蓉著花秋滿湖。吳興已遠郭熙

老。誰為寫此秋江圖。汀州遠近迷雲樹。東

去滄波急如注。康山一髮天際橫。傳是先

皇洗兵處。當年血戰湖水黃。日月照耀旌

旗光。鼎湖龍去不復返。只有雁鷺飛茫茫。

天開大澤雄今古。氣撼東吳及南楚。巴陵



洞庭何處邊。目斷潯陽送樓櫓。北風獵獵。握雙旌。此行奇絕如登瀛。風波平地不須起。向來魂夢。今猶驚浩歌。蓬底還搔首。却憶同行信州守。萍水飄零。盡白頭相逢。且醉餘千酒。

李東陽

東陽字賓之。茶陵人。天順甲申進士。歷官少師。兼吏部尚書。贈太師。諡文正。○永樂以後。詩茶陵振而起之。如老鶴一鳴。喧徹俱廢。後李何繼起。而大之。駭駭乎稱。一代之文。夫王元美。謂長沙之李何。李

猶陳涉之啓漢。高此。習氣未下。不免却場太過。宜為後人之禁。擊也。

夜過邵伯湖

蒼蒼霧連空。冉冉月墮。飄飄雙鬢風。此惚無定止。輕帆不用檣。驚浪長在耳。江湖日浩蕩。行役方未已。羈棲正愁絕。况乃中夜起。

風雨嘆

壬辰七月壬子日。大風東來。吹海溢。崢嶸



巨浪高比山水底長鯨作人立愁雲壓地  
濕不翻六合慘淡迷乾坤陰陽九道錯黑  
白烏兔不敢東西奔里人倉皇神屢變三  
十年前未曾見東村西舍喧呼遍牒書走  
報州與縣山厓谷洶豺虎嗥萬木盡拔乘  
波濤州沈島沒無所逃頃刻性命輕鴻毛  
我方停舟在江臯披衣踞牀夜復晝忽掩  
青袍涕霑袖舉頭觀天恐天漏此時憂國  
况思家不覺紅顏坐凋瘦潼關以西兵氣  
多蘆笳吹塵塵滿河安得一洗空于戈不  
然獨破杜陵屋猶能不廢嘯與歌世間萬  
事不得意天寒歲暮空蹉跎嗚呼奈爾蒼  
生何

夜過仲家淺關

日維乙未月丙戌青天無雲月東出舟人  
喧匝夜濤發翻沙轉石紛出沒是時水淺



舟在地。牆門雀鬼。畫方閉。蒲官醉睡。夫走  
藏。倉卒招時。百無計。民船棄死。爭赴牆。橫  
倒。檣催動。火碎舟人。號咷乞性命。十里呼  
聲震天地。我時兀坐。驚春撞攬衣而起。心  
徬徨。同行無人。僕隸散。獨與船底相低昂。  
攀崖陟磴。不得上。咫尺如在天一。方流行  
坎止。信有數。向來藐視淮。與江霜風欺人  
衣袂薄。呼童酌酒。累數觴。燈殘酒醒。牀亦

過北斗墜地天茫茫

靈壽杖歌

吾聞武當之山。四萬二千丈。半在雲根半  
天上。不知三十六宮何處。稱絕奇。產出靈  
株。非一杖。蛟螭盤。擎露頰。魚熊經。樹顛虎  
山脚。根蟠節錯。相糾纏。舌風飽。雪經炎。寒  
九年。洪水之水。浸不殺。十日之日。暴烈何  
時。乾梯懸。磔接。陸步不可上。誰采青壁紅



琅玕見之羨者不容口。錫以嘉名曰靈壽。瓜之不入行有聲。金可回鑿石同火。吾家此物舊所有。神與相扶鬼為守。自從病足跛曳不得前。已覺山林落吾手。一病經旬不出門。手中此杖嗟猶存。下林歎足立不定。此時託子以為分。不顧四體無微病。但願謝病歸山阿。左扶右策與以二童子。下可涉園徑。上可凌峻陀。願哉萬本截萬杖。

窮崖陰谷生森羅。靈兮壽兮此物倘可致。直遣四海赤子頭俱禱。從橫跌宕能盤硬同錄其常用世何法也。而茶陵此詩亦極規撫。少陵收齊偏感推之。渠胸中豈有真存耶。

題畫鷹送羅緝熙

大鷹猙獰爪抉石。側目空巖睨秋碧。小鷹倨首俯且窺。威而不揚豈其雌。雌雄起伏各異態。意氣相看出塵壒。獨立羞將眾羽



群高飛怕有浮雲礙。山寒木落天始風。日  
色慘澹川原空。人間狐兔自有地。慎勿反  
擊傷。鷓鴣畫圖彷彿是誰作。死似懸鱗臂  
間落。高堂匹練陰風生。萬里炎荒盡幽朔。  
我生奇氣空峻峭。揮毫對此不無神。送渠  
羽翼朝天去。亦是雲霄得意人。

立春日車駕詣南郊

暖香和露遶遙華。彩仗迎春曉殿開。北斗  
舊杓依歲轉。南郊佳氣隔城來。雲行複道  
籠隨輦。霧散仙壇日滿臺。不似漢家還五  
時。甘泉誰羨校書才。

南園秋風

別院臨城輦路開。大風昨夜起宮槐。秋隨  
萬馬嘶空至。曉送千樞拂地來。落雁遠驚  
雲外浦。飛鷹欲下水邊臺。宸遊睿藻年年  
事。况有長楊侍從才。



與顧天錫夜話時天錫謫永州府

同知

路轉三湘去更深。潞河西岸溯東潯。潛鱗  
自足波濤地。別馬長懷秣餉心。湘女廟前  
山似黛。柳公亭下石如林。微科亦是公家  
事。民力天南恐未禁。

與趙夢麟諸人造甘露寺

欄篠巉杉處處通。野寒吹雨墮空濛。垂藤

路繞千年石老鶴。巢頭半夜風淮浦。樹老  
江口斷金陵。潮落海門空。闕書未報三邊  
捷。萬里中原一望中。

九日渡江

秋風江口聽鳴榔。遠客歸心正渺茫。萬古  
乾坤此江水。百年風日幾重陽。烟中樹色  
浮瓜步。城上山形繞建康。直過真州更東  
下。夜深燈火宿維揚。



遊岳麓寺

危峰高瞰楚江干。路在羊腸第幾盤。萬樹  
松杉雙徑合。四山風雨一僧寒。平沙淺草  
連天遠。落日孤城隔水看。蘄乳湘南俱入  
眼。鷓鴣聲裡獨凭欄。

明詩別裁集卷四目錄

莊泉二首

戴縉一首

周瑛一首

吳寬一首

楊一清三首

文林一首

王鏊一首



馬中錫 二首

卽寬 二首

喬宇 一首

王雲鳳 一首

文森 一首

沈周 二首

史鑑 一首

戴冠 一首

莫止 一首

李夢陽 四十七首



明詩別裁集卷四

長洲 沈德潛確士

周 準欽菜 同輯

莊 杲 杲字孔陽江浦人成化丙戌進士官翰林長檢討以諫

官後遷南京吏部郎中 天啓初追謚文節

端午食賜粽有感

蓬萊宮中懸艾虎舟滿龍池競蕭鼓千官  
曉綴紫宸班拜向彤墀賀重午大官角黍



菰蒲香綠絕萬縷雲霞光天恩教賜下丹  
陛瓊筵備以黃金籩東南米價高如玉江  
淮餼率千家貳官河成卒十萬艘總向天  
厨挽飛粟君門大嚼心豈安誰能持此回  
彫殘小臣自愧悠悠者無術救時直素餐  
杜老心事學人何必專作頭巾語

憶舍弟

天邊聞一雁杳杳向南徂今夜西風冷他

鄉小弟孤五人千里去九月一書無欲寄

千行淚憑誰達客途

一氣揮灑絕去對偶之亦

戴

縉南海人成化丙戌進士累官工部尚書

楚江旅懷

薄暮過瀟湘秋空楚水長黃蘆千里月細  
萬山霜客夢懸雙鬢鄉心逐五羊羈情  
誰與晤勞者若為傷

周

瑛漢字梁石莆田人成化己丑進士官至四川右布政



履霜操

父兮兒憎母兮兒怒。踰天踏地。情不知其  
 故。父在高堂。兒在郊野。晨與履霜。踵血淋  
 漓。荷衣不暖。枵食不飽。不即捐濟。空念我  
 父母。父本兒愛。母本兒憐。一朝放逐。實兒  
 之愆。維鳥有慶。維蟲有羸。父兮母兮。其或  
 歸我。昌黎作過於怨矣此方是怨而不怒  
 與昌黎拘幽操一忠一孝並有千古  
 吳寬賜進士第一授翰林修撰

官禮部尚書贈太子太保益文定

賦黃樓送李貞伯

維河有源。星宿同導。河積石思。神功濁流。  
 汗漫失故道。積石却與澶淵通。平郊脫  
 萬馬逸。一夜徑度徐州洪。徐州太守蘇長  
 公。夜呼卒伍登城墉。一身未足捍大患。豈  
 無木柵。魚竹籠戲馬臺。傍二十里築堤。橫  
 亘長如虹。高城不浸三版耳。挽回魚鱉仍



蒼童防河錄。天有工黃樓。高起城之東。  
五行有之。可制水底用。四壁塗青紅。太守  
登樓賓客從。舉杯酌水臨長風。河伯俯首  
受約束。不敢更與城爭雄。水流滔滔向東  
去。紆徐演漾殊從容。負薪投壁竟何用。漢  
家浪築宣房宮。自公去後五百載。水流無  
盡恩無窮。我生慕公公不逢。安得置我茲  
樓中。賴濱淮海獨何幸。留得兩賦摩蒼宮。

鳳池舍人今李邕。南行別我何怱怱。此邦  
萬靈日凋瘵。賴爾繼續前賢踪。暇日登高  
倘能賦。封題須附冥飛鴻。

楊一清

一清字應寧。南安寧州人。成化壬辰進士。歷官戶部尚

書進少師贈大保。謚文襄。

甘涼道中書事感懷

弧矢威天下。雷霆震域中。大兵方出塞。小  
醜自相攻。繼統君王義。宣威將帥功。從今



宵○肝○慮○不○復○在○西○戎○不復在西戎言所憂者正多也大臣心事

昭然如捐

### 山丹題壁

關山偏仄人踪少。風雨蒼涼野色昏。萬里  
一身難獨任。一年多事共誰論。東風四月  
初生草。落日孤城早閉門。記取漢兵追寇  
地。沙場猶有未招魂。

### 將至寧夏

奉詔西征駐節時。元戎奏凱已先期。苗民  
自遜三旬命。猴狖何勞六月師。燈火家家  
開夜戶。弓刀處處捲風旗。益兵加賦休重  
論。財賦於今兩不支。

文

林

林字宗儒長洲人成化壬辰進士官至温州知府

### 舟中有懷林待用

潏潏長波映遠空。依依新柳颺春風。相思  
人在青天外。盡日舟行細雨中。汲黯身為



漢廷重杜陵詩到錦城工天王明聖江湖  
遠贏得馳驅兩鬢蓬

王 蓋 蓋字濟之兵部人成化乙未  
賜進士第三累官吏部侍郎

進少傅贈太  
傅文恪

贈梁都憲巡撫四川

赤甲白鹽雄作鎮鐵冠繡斧凜先聲雷山  
已為來時重黑水應聞去後清殿上位虛  
中執法邊頭人叢小團營憑誰說與蘇明

免畫像無煩記姓名人叢小團營謂亂前  
不作猶張方平之鎮

也何

馬中錫中錫字天祿故城人成化  
乙未進士官至左都御史

晚渡咸陽

野色蒼茫接渭川白鷗飛盡水連天僧歸  
紅葉林間寺人喚斜陽渡口船表裏山河  
猶往日變遷朝市已多年漁翁看破興亡  
事獨坐秋風釣石邊



元世祖廟

世祖祠堂帶夕曛。碧苔年久暗碑文。薊門  
 此日瞻遺像。起輦何人識故墳。棹楔半在  
 蒙古字陰。廟尚繪伯顏軍。可憐老樹無花  
 發。白晝鴉鳴到夜分。起輦谷名。元諸陵在  
 曹潔躬云。用事

與實錄詩樓  
 情可稱絕唱  
 即 寶寶字國賢。無鏡人。成化甲辰  
 進士。歷官至南京禮部尚書

詩文

孫翊妻

夫死矣。妾何敢生。夫讐為重身。為輕賊尚  
 生。妾何敢死。軍中幸有報恩子。號召如風  
 赴。如水。斷賊頭。祭夫墓。白虹下。高天何處  
 黃泉路。

乞終養未許

乞歸未許奈親何。帝里風光夢裡過。三月  
 春寒青草短。五湖天遠白雲多。客囊空在



終猶寄。驛騎書來字欲磨。聖主恩深臣分淺。百年心事兩蹉跎。

喬 字 宇 字 希 大 山 西 樂 平 人 成 化 甲 辰 進 士 累 官 吏 部 尚 書 加

火保謚 莊簡

秋風亭下泛舟

荒亭寥落野烟空。漢武雄才想象中。簫鼓應聲聞畫鷁。帆檣飛影動晴虹。山分秦晉群峰斷。水入河汾兩派通。少壯幾時還老

六不須迴首嘆秋風

王雲鳳 雲鳳字應節 遼州和順人 成化甲辰進士 官至右金都御

送客

雲氣溟濛雨欲絲。飄飄遊子別離時。愁看陌上青青草。送盡行人總不知。

文 森 森 字 宗 嚴 長 洲 人 成 化 丁 未 進 士 歷 官 右 金 都 御 史 江 西

撫 巡



九日

三載重陽菊開時不在家何期今日酒忽  
對故園花野曠雲連樹天寒雁聚沙磧臨  
無限意何處望京華沈子山云語不必深  
自然蘊藉○此詩亦

見何大  
復集

沈

周

周字啓南長洲人景泰中  
守以賢良應詔辭不受○

如山雨乍來節溜濕雲欲晴竹梢  
依僧過郭熙應采入林泉高致中以

當書  
本

從軍行

馬上黃沙拂面行漢家何日不勞兵  
匈奴如以自忘揚賢僕射今誰托父兄  
雲暗旌旗婆勒渡月明刁斗受降城  
左賢早待長綬縛莫遣論功白髮生  
志世人有此悲壯之  
作書漢本往往遺之

寫懷寄僧

虛壁疎燈一穗紅  
閒階隨處亂鳴蟲  
明河有影微雲外  
清露無聲萬木中  
澤國蒼苔在

明詩別裁集

卷四

九



秋水滿居民流落野烟空不知誰解地憂  
患獨對青山憶贊公

史 鑑 鑑字明古 吳江布衣

子昂蘭

同香零落風縵空芳草青青合故宮  
誰道加人和淚寫託根無地怨東風

戴 冠 冠字章甫長洲人以其後一  
只府試尊後又有兩戴冠一

字冲 字信陽人 字南枝 山人

題姚少師畫竹

北地風高卷塞雲驚沙吹起雁成群  
客邊偶寫龍孫譜忘却江南有此君  
王湛求云 觀人善畫

莫 止 止字如山無錫人句如天

歸舟風勁 齋然自遠 江平千里如天

昭君曲

但使邊城靜蛾眉敢愛身  
和年青冢在猶



是漢宮春

李夢陽 夢陽字天賜 更字獻吉 慶陽人 隸扶溝 弘治癸丑進士 官戶部員外 尚書 纂文 章奏 勅諭 劉瑾 坐之 進 郎中 代尚書 纂文 章奏 勅諭 劉瑾 坐之 進 黨致仕 起江 尚書 纂文 章奏 勅諭 劉瑾 坐之 進 誅 後 詞 連 及 尚書 纂文 章奏 勅諭 劉瑾 坐之 進 卒 後 弟 子 秘 益 文 毅 天 啓 中 追 謚 景 文 〇 空 同 五 言 古 宗 法 陳 思 康 樂 然 過 于 離 別 亦 極 自 然 七 言 古 雄 渾 悲 壯 縱 橫 變 化 七 言 近 體 開 合 動 盪 不 拘 故 方 集 之 杜 陵 義 於 具 體 故 當 雄 視 一 代 選 馬 塞 傳 而 錢 受 之 義 其 模 擬 割 賊 等 于 嬰 兒 之 學 語 至 謂 讀 書 種子 從 此 出 絕 吾 不 知 其 爲 何 心 也

○ 藉 而 追 逐 少 陵 實 有 面 目 大 肖 處 集 中 藉 而 空 之 不 欲 使 拈 擊 前 賢 者 得 以

內教場歌

內教場者李于紀時事而作也帝自將練兵於內廷  
雕弓豹韃 騎白馬 大脚門前馬 不下徑入  
內伐鼓 大脚耶 宣府耶 將軍者許耶 解武  
臣不習威 奈彼四夷 西內樹旗 皇介夜也

明詩外集 卷四 上



鳴瓦烈火嗟嗟辛苦

解二

湘妃怨

采蘭湘北汕。舉木澧南潭。深水含瑤彩。微風托玉音。雲起蒼梧夕。日落洞庭陰。不知  
皇竹苦。惟見淚斑斑。

雜詩

稅棖蝕以傾。梁棟誠獨難。流言播四國。周公有疑患。涼飈激頽景。奄忽不可攀。衆羽

日續紛朱鳥。戢其翰。殺身苟無益。去去從所安。傷哉式微詩。千載起予嘆。

茅以韜為席。栢以勁為薪。君子憂治世。愚者幸不辰。張置以待兔。雉也菑其身。物理雖云殊。罹脫各有因。浮沙卷奔壘。朔吹揚驚塵。日暮臨大道。悵望曷能陳。

登山望四海。日夕忽至沉。俯身眺城郭。痲然沾我襟。交路夾芳蘭。遊駟何駸駸。未樹



蕭闌榭奇巧媚荒淫。北里進異舞，高堂呈  
妙音。纖羅振芬芳，朝雲遮嘉吟。不見秋日  
草零落，愁春心。

衛上別王子

晨風應候至，鷄鳴各嚴車。我今游宋中，子  
當旋舊閭。僕夫理前綏，羸馬悲鳴趨。一別  
阻秦周，相望萬里餘。首春霜露重，厚汝征  
衣襦。昔爲同袍士，今在天一隅。故者日以

連時能察區區

土兵行

前州賊作亂都御史陳金  
奏調廣西狼兵征之上兵

行所用

乘章城樓，作也嗚鳥黃。如跳躍，也如北風。  
北知江怒湧，也兵樓人。如呼城外之人，  
徒城內塵埃。不見章江塗花裙，蠻奴逐婦  
如白奪銀鉤。酒沽父老向前語，蠻奴慎  
勿橫行王法誅。華林妣源諸賊徒，金帛子



女山不知汝能破之惟汝欲為賞有酒牛  
王儲大者陞官佩受越蠻奴志言萬里入  
爾部而安我生屠殺勤弓毒矢莫敢何  
意氣似欲無彭湖彭湖開翻飄白旗輕舸  
葦水陸走車黃雲卷地春草死烈火誰分  
瓦與味寒崖日月豈盡照大印懸懸難久  
居天下存過四處守此輩可使亦可虞何  
況上官妻妾供美酒大肉少笙管揚扇修

此詩近海入詩史而古不可及○歸  
正論也 陸亦云此輩以爲貴也

### 豆莖行

昨嘗大風吹雪過湖船無數冰打破冰  
甚甚山巖立行人驚疑淚交隨景去年間  
一文重父老見之無此他鄉十日路斷  
盡廬山百姓啼寒餓凍半凍折盡我啞漸  
軍熱軍被手坐將軍部兵散江下飛報  
江港三三已竟覽呼手足欲馬騾雞木遠

月... 卷四 十



頭即前時邊達三千軍。五箇病熱死兩箇。  
彎弓值凍不敢發。昔何猛敵今何懦。李郭  
蕭城圍不下。裴度淮西手可唾。從來強弱  
不限域。任人豈論小與大。當衢寡婦攜兒  
哭。秋禾枯槁春難播。縱使微科何自出。大  
兒牽纜陸沈歎。似古詩。陸沈。生

明星篇

明星出地一如高。天門沉沉魚海動。沙隄

露下玉珂寒。直廬雞唱金蓮重。千門萬戶  
曉鐘發。明星漸高河漸沒。燦爛疑侵翔鳳  
樓。依稀故抱飛龍闕。鳳樓龍闕帶層城。翠  
輦朱衣夜夜行。黃昏競奏催花宴。天明猶  
聽打鼓聲。蘭烟桂火輝如小。明星迢迢照  
不入。百子池頭草。草生長信宮中紫。苔集  
草色蒼苔香。秋復春。此日乘槎若問津。明星  
曉落宵還見。白髮黃金愁殺人。



漢京篇

漢京臨帝極。複道衆星羅。烟花開甸服。錦  
繡列山河。山河自古稱佳麗。城中半是王  
侯第。峻閣重樓夾道懸。雲房霧殿森駉蔽。  
牧豚賣珠登要津。樊侯亦是鼓刀人。時來  
叱咤生風雨。奄見吹嘘走鬼神。平津結兄  
蓋。侯弟杯酒相看何意氣。執鞭盡是虎賁  
郎。守門不數長安尉。長安烽火入邊城。挺

劒辭君萬里行。去日千官遮馬鏡。歸來天  
子降階迎。朱弓尚抱流沙刃。寶鉄常飛瀚  
海星。不分燕然先勒石。直教麟閣後標名。  
豈知盛滿多仇忌。可惜繁華如夢寐。地宅  
田園奪與人。丹青鐵券成何事。霍氏門前  
狐夜號。魏其池館長蓬蒿。三千食客今誰  
在。七十二珠樓空復高。後車不戒前車覆。又  
破黃金買金谷。洛陽亭榭與山齊。北却草



馬如雲。逐陰郭。豪華真可憐。雲臺將相珥  
貂連。當時却怪桐江叟。猶著羊裘伴帝眠。  
功高自滿千古。病漢博陸侯。其炯戒也。  
宋以不受爵祿者。黜破斥。唐與李顏漢朝  
功巨。楊德祖一篇歸列。  
魯寧。歸海同。一作法。

去婦詞

正德元年。戶部尚書韓文。暨內閣師  
保等咸相繼去位。李子作此詞也。

孔雀南飛雁北翔。含顰攬涕下君堂。繡幙

空留並菡萏。若羅袪尚帶雙鴛鴦。菡萏鴛鴦  
誰不羨。人生一別何由見。只解黃金頃刻  
成。却知碧海涸。史變賤妾甘為覆地水。郎  
君忍作離弦箭。憶昔嫁來花滿天。賤妾郎  
君俱少年。瑤臺築就猶嫌惡。金屋裝成不  
論錢。重樓複道天中起。結綺臨春照春水。  
宛轉流蘇夜。月箭。夢迷寶瑟。烟花裡。夜月  
烟花不相待。安得朱顏常不改。若使相逢



無別業肯放颶波到東海。薄命雖教婦似  
知。衰年帳少姑嫜在。長安大道接蕪川。隣  
里攜壺舊路邊。妾悲妾怨憑誰省。君舞君  
歌空自憐。郎君豈是會稽守。賤妾寧同會  
稽婦。郎乎幸愛千金軀。但願新人故不如。  
深燒可  
以憑矣

朝飲馬送陳子出塞

朝飲馬夕飲馬。水鹹草枯馬不食。行人痛

哭長城下。城中白骨藉間誰。云是今年築  
城者。但道辭家別六親。寧知兒死無還身。  
不惜身為城下土。所恨功成賞別人。去年  
賊掠開城縣。黑山血逆單于箭。萬里黃塵  
哭震天。城門晝閉無人戰。今年下令修築  
逸丁夫。半死長城前。城南城北秋草白。愁  
雲日暮鳴胡凜。

胡馬來再贈陳子

胡馬來再贈陳子



冬十二月胡馬來自草颺颺黃雲開浩  
十城九城閉賀蘭之山安在哉傳聞清水  
不復守遊兵早扼黃河口即看烽火入甘  
泉已詔將軍屯細柳去年穿塹長城裡萬  
人齊出千人死陸海無毛發氣蒸五月零  
冰凍河水當時掘此云備胡胡人履之  
坦途聞道南侵更西下韋州固原今有  
從來貴德不貴險英雄豈可輕為護尚

號令連雷電托玉誰敢前號呼遂令宵  
議西討茲各只合歸吾徒我師如貌將如  
虎九重按劍赫斯怒惜哉尚書謝歸早不  
觀將軍報平虜斬彼而來  
神勇無敵  
贈何舍人齋詔南紀諸鎮  
先皇乘龍去不返悲風慘澹吹宸極四海  
巖若喪慈母百官狂走天為黑憶昨臨危  
坐御膝手擎神器歸今皇密語丁寧師



烈三老親聞眼流血。金滕立剖石室執。此  
事難從外人議。吾君謙讓不可得。剖衷踐  
昨弘祖烈。日月重懸萬國朝。雷雨赦過群  
方悅。越南海北霹靂動。蠻夷盡奉王正月。  
此時九道使臣出。舍人亦輟螭頭筆。白馬  
朝騰到北雲。錦帆暮閃江沱日。江沱秋交  
多烈風。迴處雲夢俱眼空。巴陵縣令舍人  
兄。後詔會第西樓中。童年題詩在高壁。六

載不到。鈔為籠南嶽以南。惟峻山苦蒸毒  
霧何盤盤。天王新令雷電掣。妖蛇不敢啼。  
林端五溪官長喘。喙拜黔州父老垂。淚看  
却瞻蒼梧雲氣黑。斑竹臨江怨幽色。翠華  
縹緲空冥間。此時此恨誰知得。君不見馬  
援杜孔明碑剝落黃蒿裡。千年莓苔待君  
洗。萬里之行自此始。歸來何以獻天子。

奉送大司馬劉公歸東山草堂歌



東山有草堂。縹緲雲嶠孤。前對祝融峰。下  
瞰巴陵湖。明公昔時此。堂居麋鹿熊。承當  
窓。趨河庭。日落風浪湧。仰影射堂堂。欲動  
慘淡誰聞紫芝曲。獨善不救蒼生髮。先帝  
親裁五色詔。老臣曾受三朝祿。此時邊徼  
多戰聲。曳履謁帝登承明。謝安笑却淮肥  
故。魏相坐測單于兵。九重移榻數召見。夾  
城日高未下殿。英謀密語人不知。左右

聞至尊。羨自從龍去。不可攀。公亦卧病思  
東山。湘娥含笑倚竹立。山鬼窈窕堂之側。  
上書苦死只欲歸。聖旨優容意悽惻。內府  
盤螭縷金織。賜出傾朝皆動色。白金之鈿  
紅票記寶鈔。生硬鴉翎黑崇文。城門水雲  
白。是日觀者途路塞。城中冠蓋盡相送。塵  
埃遽斷長安陌。人生富貴豈有極。男兒要  
在能死國。不爾抽身早。亦得君不見漢二



陳千載相慕傳畫圖。即如草堂何處無。會  
會醜。窮。窮。為。乎。乃。知。我。公。真。文。夫。嗚。呼。乃。  
知。我。公。真。文。夫。從橫排宕不求合法自  
中節子由所云千金載  
注坡墓。如履平地者也。其  
謀客語十四字。吳孝宗寔錄

送李帥之雲中

黃風北來雲氣惡。雲洲健兒夜吹角。柳  
柳。柳。坐。待。曙。氣。平。山。搖。月。半。落。槽。頭。馬。鳴。  
士。飯。飽。昔。無。完。衣。今。繡。襖。沙。場。緩。纜。行。射。

送李中丞赴鎮

黃雲橫天海氣惡。前飛鷲鶴後叫鶴。陰風  
夜。撼。醫。和。問。曉。來。雪。片。如。手。落。中。丞。按。轡。  
東。視。師。躬。歷。險。隘。揮。熊。貔。已。嚴。號。令。偃。鼓。  
解。更。掃。日。月。開。旌。旗。椎。牛。李。牧。將。士。躍。射。  
虎。奔。廣。勾。奴。知。屯。田。金。城。古。不。謬。賣。劍。勅。  
海。今。其。時。塞。門。蕭。蕭。風。馬。鳴。長。城。雪。殘。春。



軍生低飛鴻雁胡沙靜遠道鯨鯢瀚海清  
不觀小范擒戎日誰信胸中十萬兵北地

走手蒼涼沉  
神乎老杜

上元訪杜練師

宣王昔時乘八風御龍遊戲行烟空馬前  
兩兩侍玉女別館多在蓬萊宮朝天宮中  
舊時殿樓臺畫鎖無人見琉璃井塌青苔  
蒲松栢森森月如練嗚呼往事難且陳燈

火如山又一春北斗壇西訪隱淪我師黃  
衫白氎巾坐我更欹西樓賓玉杯潑灑赤  
馬毳織罽四角銀麒麟酒肉山堆滿堂醉  
仙厨徃徃來八珍孝宗之朝五真人師也  
磊落當其倫自言召見親賜食曾把丹書  
獻紫宸如今寂寞看春色銀魚玉帶無消  
息豈惟魚帶無消息欲語吞聲淚沾臆勸  
師對此莫酸辛世間萬事如轉輪且將芝



草供生計。聊與烟霞作主人。月偏彩雲堂。  
騰生。旋呼兩童吹玉笙。聞師妙得。逡巡術。  
百壺倒盡。還須傾。古來仙子向誰在。飲者  
翻垂千載名。名垂千載亦區區。酒闌燈昏  
夜復徂。不見秦陵草。已宿春生樹。啼雙老  
鳥。此時亦應群帝趨。金燈翠旗。先自無故

之思寫得  
神靈恍惚

石將軍戰場歌

清風店南逢父老。告我已巳年間事。店北  
猶存古戰場。遺鏃尚帶勒王字。憶昔蒙塵  
實慘怛。反覆勢如風雨至。紫荆關頭畫吹  
角。殺氣軍聲滿幽朔。胡兒驚馬彰義門。烽  
火夜照燕山雲。內有千尚書。外有石將軍。  
石家官軍若雷電。天清野曠來酣戰。朝廷  
既失紫荆關。吾民豈保清風店。幸命負子  
無處逃。髮聲震天風怒號。兒女狀頭伏鼓



解野人屋上看旌旄將軍此時挺戈出殺  
 敵不異草與蒿迤北歸來血洗刃白日不  
 動蒼天高萬里烟塵一劍掃父子英雄古  
 來以單于痛哭倒馬關羯奴半死飛狐道  
 處處懽聲噪鼓旗家家牛酒犒王師應追  
 漢室嫖姚將還憶唐家郭子儀沉吟此事  
 六十春此地經過淚滿巾黃雲落日古骨  
 白砂礫慘淡愁行人行人來折戰場柳下

馬坐墊居虜口却憶千官迎駕初千乘萬  
 騎下皇都乾坤得見中興主終伐重開載  
 造圖姓名應勒雲臺上如此戰功天下無  
 嗚呼戰功今已無安得再生此輩西徠胡  

 追北歸來二語捫之字字俱起寇稜石  
 亨駿屨伏法臣節有虧要之戰功不可理  
 沒以特表其戰功也上皇返國寔由尚書  
 之守將軍之戰作者特為表出中云還漢  
 唐家郭子儀以不失臣  
 節視之也此作者微意

玄明宮行



明言身...  
今冬有人自京至向我道說立明宮土木  
侈麗誰辦此今乃遺奠京城東割奪面勢  
創巖業出入日月開嶢嶷矯托敢與天子  
競立觀忍將雙闕同前斫石柱雙螭龍飛  
梁透迤三彩虹寶構合背殿其後儼如山  
嶽翔天中金銀為堂玉布地千門萬戶森  
相通光景閃爍倏忽真雲烟鬼怪花杳蒙  
以東金榜祠更侈樹之松檟雙梧桐淇池

馬坐望居庸口却憶千官迎駕初千乘萬  
騎下皇都乾坤得見中興主終伐重開載  
造圖姓名應勒雲臺上如此戰功天下無  
嗚呼戰功今已無安得再生此輩西備胡  
追北歸來二語謂之字字俱起崔積石  
亨跋屬伏法臣節有虧要之戰功不可埋  
淡此特表其戰功也上皇返國莫由尚書  
之守將軍之戰作者特為表出中云還漢  
唐蒙郭子儀以不失臣  
第觀之也此作者微意  
立明宮行



今冬有人自京至。向我道說。立明宮。土木  
侈麗。誰辦此。今乃遺真。京城東。割奪面勢。  
創裁業。出入日月。開嶢嶷。矯托敢與天子。  
競立觀。忍將護闕。回前。砥石柱。雙螭龍飛。  
梁逶迤。三彩虹。寶構合。背殿其後。儼如山。  
嶽翔天中。金銀爲堂。玉布地。千門萬戶。森  
相通。光景閃爍。倏忽異。雲烟鬼怪。危杳濛。  
以東金榜祠。更侈。樹之松檟。雙梧桐。淇池。

島嶼。鯉鯉躍。孔雀翡翠。羔羔。燕燕。那知勢極  
有消歇。前日虎豹。今沙蟲。寤非自開。衛不  
守。人來遊玩。瑤玲瓏。陸隅龍。歎折其角。近  
有盜。換香鑪。銅青。苦生泥。鏡面。鑽野。鴿嘴。  
子。雕花。權憶。昔此。闕。握乾柄。帝推赤心。閣  
用。忠。威刑。霹靂。經紳。毒自尊。奴僕。侯與公。  
變更。累朝。意。巨測。培克。四海。真。困窮。長安。  
奪地。塞。巷。陌。心。復。艷。此。闕。何。蒙。構。結。擬。絕。



天下巧搜剔。遂盡輸僂工。神厥擇木。內苑  
竭官院。選石西山空。夷墳伐屋。白日黑。揮  
汗如雨。斤成風。轉身唾罵。闕得知。退朝督  
勞。何匆匆。人心嗟怨。入骨髓。鬼也孰敢安。  
高崇。我碑照耀。頌何事。或有送男充道童。  
聞言愴惻。黯無答。私痛聖祖。開疆功。渠千  
威福。開者誰。法典雖嚴。奈怙終。錦衣王食  
已叨竊。琳宮寶宇。將安雄。何言無碑。鐫護

勅來者。但看玄明宮。

此為官官劉璋作也。陳盛表皆托他人。

之言謂言愴惻以下。方入自己。議論。惜  
田。訓垂戒。後人。是大章。法大文字。明祖  
於。官門。鑿。使。官。官。不。許。政。後。成。祖  
以。建。文。內。監。翰。君。臣。察。謀。心。甚。德。之。遂。漸  
干。事。權。渠。千。威。福。  
與。者。誰。蓋。指。此。也。

林良畫兩角鷹歌

百餘年來。畫禽鳥。後有呂紀。前邊昭。二子  
工似不工意。吮筆法。皆分毫毛。林良寫鳥  
祇用墨。開纖半掃風雲黑。水禽陸禽各各



妙挂出滿堂皆動色。空山古林江怒濤。兩  
鷹突出霜崖高。整骨刷羽意勢勃。四壁六  
月生秋臆。一鷹下視睛不轉。已知兩眼無  
秋毫。一鷹掉頭復欲下。漸覺振翎風蕭蕭。  
匹緜雖慘淡。殺氣不可滅。戴角森森爪奉  
鐵。迴如愁胡皆欲裂。朔風吹沙秋草黃。安  
得臂爾騎駟。躡躡草間。疾鳥盡擊死。萬里晴  
空灑毛血。我聞宋徽宗亦善貌此鷹。後來

失天子。餓死五兩城。乃知圖畫小人藝。工  
意工似皆虛名。名校獵馳騁亦末事。外作舍  
荒古有經。今玉恭然。罷游晏講。經用御文。  
華殿南海西湖。馳道荒獵。師虞長皆貧賤。  
呂紀白首金爐邊。日暮還家無酒錢。從來  
上智不貴物。浮巧豈敢陳。王前良乎良乎。  
寧使爾畫不直錢。無令後世好畫。燕好吹  
從畫說。到繼從獵。開出。蘇論。後畫。備。費。收。  
何等章法。筆力亦如神。龍。蛟。橫。捕。捉。不。住。  
月詩。別。試。集。卷。四。三。六。



鄭生至自泰山

昨汝登東岳。何峰是絕峰。有無丈人石。幾  
許大夫松。海日低波鳥。巖雷起窟龍。誰言  
天下小。此外亦玉持。陳語漢此

泰山

俯首無齊魯。東瞻海似杯。斗然一峰上。不  
信萬山開。日抱扶桑躍。天橫碣石來。君看  
秦始後。仍有漢皇臺。四十字有包銘乾坤  
之藥可以作泰山詩

浮江

浮江晴放舸。挂席曉瀕風。日削明波底。天  
平落鏡中。開窓問赤墜。援柁失吳宮。萬古  
滔滔意。潯陽更向東。

明遠樓春望

貢院初開閣。春陰獨倚欄。柳邊千艦聚。花  
裡萬家殘。風雨江聲壯。兵戈地色寒。斷腸



沙雁北群起向長安。  
蔣仲舒云  
含愁無限

朱仙鎮廟

宋慕莽岑寂。岳宮今在茲。風霜留檜柏。陰  
雨見旌旗。百戰回戈地。中原左袵時。土人  
嚴伏臘。偏護向南枝。

得何子過湖南消息

及遇荆門信。洞庭秋已淒。湘江饒苦竹。幾  
聽鷓鴣啼。馬援留祠在。王褒祀碧雞。湖南

衡瘴癘藥物去曾攜

讀直道陳公祚遺事

上主能容直。當言敢顧身。累朝傳諫疏。萬  
死作歸人。古廟穠花晚。孤墳劫草春。從來  
淹沒士。特筆在詞臣。

野風

山鳴野風至。漢水亦蕭蕭。月況魚龍醒。雲  
蒸豺虎驕。有家驚節物。不寐想前朝。萬古



英雄跡。江城夜寂寥。

出塞

黃沙白草。蒼蕭蕭。青海銀州。殺氣遙。關塞  
豈無秦日月。將軍獨數漢嫖姚。往來飲馬  
時。尋窟弓箭行人。各在腰。晨發靈州。更西  
望。賀蘭千嶂。果雲霄。

秋望

黃河水。遠漢邊。橋河上。秋風雁幾行。客子

迷飛。靛白。月橫空。冷戰場。聞道朔方多勇  
略。只今誰是郭汾陽。  
王元美云  
雄軍流麗

潼關

咸東天險。設重關。閉日旌旗。虎豹關。隘地  
黃河。吞渭水。炎天白雪。壓秦山。舊京想像  
千官入。餘恨逡巡六國還。滿眼非無棄繯  
者。寄言軍吏莫嗔顏。



靈武臺

環縣城邊靈武臺。肅宗曾此辟蒿萊。二儀  
高下皇與建。三極西南玉璽來。衣白山人  
經國計。朔方孤將出。群才可憐。一代風雲  
際。不勸君王駕鶴迴。肅宗之闕於子  
職也。語微而顯。

良嶽篇

宗家行殿此山頭。千載來人水一邱。到眼  
黃蒿元玉砌。傷心錦纜有漁舟。金縷社稷

和戎日。花石君臣棄。國秋漫倚南雲望。南  
土古今龍戰是中州。人知南渡之庸懦而  
不知覆亡之禍原于  
徽宗君臣之宴樂也  
五六諸歲得議論

臺寺夏日

古臺高並鬱蒼蒼。巖峩斷塔稜層鎖。寂寞積雪  
洞門常慘慘。炎天松柏轉蕭蕭。雲雷畫壁  
丹青壯神鬼。虛堂世代遙。惆悵宋宮偏派  
滅。二靈哀怨不堪招。



楚望望寰中形勢

楚望峰頭望楚雲。遙憐紫蓋紫陽君。廬荒  
不斷盤龍氣。碑滅猶存墮淚文。地轉江淮  
浮遠戍。水通巴峽。整雄軍。里名冠蓋非吾  
事。願訪鹿門麋鹿群。

送毛監察還朝是時皇帝狩於揚

河

楚生臨水送將歸。黎子當筵賦式微。天下

此為真御史。百年吾是舊漁磯。沙寒白日  
濛科轉。風起黃河木葉稀。此去有書應力  
上。太平天子不乘衣。

別徐子種卿得江字

我愛南州徐孺子。明瑛美璧世無雙。新從  
北極看南極。便自吳江下楚江。日落鷓鴣  
啼廟口。水清斑竹映船窗。禰衡王粲俱黃  
土。千載何人復此邦。



限韻贈黃子

禁垣春日紫烟重。子昔爲雲我作龍。有酒  
每。遶。東。窗。月。退。朝。曾。對。掖。門。松。十。年。放。逐  
同。梁。苑。中。夜。悲。歌。泣。孝。宗。老。體。幸。強。黃。犢  
健。柳。吟。花。醉。莫。辭。從。

秋懷

慶陽亦是先王地。城對東山不密墻。白豹  
寨頭惟皎月。野狐川北盡黃雲。天清障塞

收禾黍。日落谿山散馬群。回首可憐薜荔  
急。幾時重起郭將軍。

苑西遼后洗妝樓。檻外芳湖靜不流。亂世  
君臣那在眼。異時松柏自深愁。雕欄玉柱  
留天女。錦石秋花隱御舟。萬古中華還此  
地。我皇親爲掃神州。

鄴陽湖十六韻

太祖平陳日。樓船下此湖。波濤留壯色。天



地見維圖。水上開黃屋。雲中下赤烏。士猶  
詢後戴。戈已倒前徒。力屈鯨鯢仆。聲回雁  
鷺呼。橫江收玉筍。跨海定金符。文軌遙通  
楚。梯航訖至吳。虎賁雖莫敵。龍戰豈全辜。  
血染猶丹草。骨沉空白蕪。汀洲夜寂寂。霜  
月鬼嗚嗚。殺氣龍鼉徙。腥風島嶼孤。曾人  
拾古鏃。艇客慨秋菰。偉彼高先烈。還將著  
鄧馭。英謀協睿笑。勇奮想長驅。劍瘞神仍

五舟焚勢與。徂康山巍廟。在忠武嚴禎。

曉鶯

眼。曉夢中迷。流鶯碧樹西。起來紅日點。已  
度別枝啼。

塞上

天設居庸百二關。祁連更隔萬重山。不知  
誰放呼延入。昨夜楊河大戟還。

夏口夜泊別友人



黃鶴樓前日欲低  
漢陽城樹亂如飛  
夜泊東游客悵  
絳長江不印西

汴京元夕

中山孺子倚新妝  
鄭女燕兒獨擅場  
春曉  
憲王春樂府金梁橋外月如霜

聖節聞駕出塞

千官北首望龍旂  
萬國車書集鳳時  
心腹  
穆王秋色遠  
幾時親擁白狼歸

明詩別裁集卷四

48-13648



明詩別裁集

卷四

三



